

ხელშეკრულება №
(სახელმწიფო შესყიდვების შესახებ)

ქ. თბილისი

_____ 2021წ

დაიდოს, ერთის მხრივ სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ (შემდგომში „შემსყიდველი“) მისი გენერალური დირექტორის მოადგილის ტარიელ ჭანტურიძის სახით და მეორეს მხრივ, _____ (შემდგომში „მიმწოდებელი“) მისი _____ სახით, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ მიერ ----- 2021 წლის ----- NAT (-----) გამოცხადებული ელექტრონული ტენდერის აუქციონის გარეშე შედეგების მიხედვით თანხმდებიან შემდეგზე:

1. ხელშეკრულების შესყიდვის ობიექტი

1.1. შესყიდვის ობიექტია სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის“ ადმინისტრაციული შენობის მიმდებარე ეზოს კეთილმოწყობის სამუშაოების შესყიდვა (CPV45300000) („შემდგომში სამუშაო“).

2. ხელშეკრულების საფუძველი

2.1. 2021 წლის „სახელმწიფო შესყიდვების შესახებ“ საქართველოს კანონი.

2.2 დაფინანსების წყარო: 2021 წლის დაავადებათა კონტროლისა და ეპიდემიოლოგიური უსაფრთხოების პროგრამის მართვის ფარგლებში.

3. ხელშეკრულების საერთო ღირებულება

3.1. მომსახურების სახელშეკრულებლო ღირებულება შეადგენს: _____ (_____) ლარს (დღგ-ს გათვალისწინებით).

4. შესყიდვის ობიექტის ხარისხი და საგარანტიო პირობები

4.1. გამოყენებულ მასალებზე და შესრულებულ სამუშაოებზე უნდა ვრცელდებოდეს არანაკლებ ორწლიანი წლიანი გარანტია (სწორი ექსპლუატაციის პირობებში).

4.2. საგარანტიო ვადის განმავლობაში „მიმწოდებელი“ ვალდებულია განახორციელოს შესყიდვის ობიექტის შეკეთება ან შეცვლა „შემსყიდველი“ მხრიდან დამატებითი ხარჯების გაწევის გარეშე.

5. შესყიდვის ობიექტის მიწოდების ვადები და ადგილი

5.1. სამუშაოები უნდა დაიწყოს ხელშეკრულების გაფორმებიდან 10 დღეში და უნდა დასრულდეს სამუშაოების დაწყებიდან 70 კალენდარულ დღეში, ექსპერტიზის დასკვნის გათვალისწინებით. კახეთის გზატკეცილი #99.

6. შესყიდვის ობიექტის მიღება-ჩაბარების წესი

6.1 „სამუშაოს“ გაწევას განახორციელებს უშუალოდ „მიმწოდებელი“, მან უნდა წარუდგინოს „შემსყიდველს“ მის სახელზე შედგენილი და კანონმდებლობით გათვალისწინებული დოკუმენტაცია.

6.2 იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „უხარისხობა, იგი წერილობით აცნობებს „მიმწოდებელს“ წუნდების მიზეზების მითითებით და მოითხოვს წუნდებული „სამუშაოს“ გამოსწორებას ან/და კომპენსაციას კანონმდებლობით დადგენილი წესით.

6.3 მიღება-ჩაბარებასა და ინსპექტირებაზე პასუხისმგებელი პირები არიან: _____

6.4 საბოლოო ანგარიშსწორება მოხდება ლევან სამხარაულის სახელობის სასამართლო ექსპერტიზის ეროვნული ბიუროს ან სხვა რომელიმე აკრედიტირებული პირის/ბიუროს დასკვნის (მოცულობები და ხარისხი) საფუძველზე, რომლის წარმოდგენის ვალდებულება და ფინანსური ხარჯების გაწევა ეკისრება „მიმწოდებელს“. ექსპერტიზის დასკვნა არის საბოლოო ანგარიშსწორების საფუძველი.

7. ანგარიშსწორების ფორმა და ვადები

7.1 ანგარიშსწორების ფორმა - უნაღდო ანგარიშსწორება.

7.2 ანგარიშსწორება - ეროვნულ ვალუტაში, ლარში.

7.3 ანგარიშსწორება განხორციელდება შესაბამისი ექსპერტიზის დასკვნის წარმოდგენიდან და მიღება-ჩაბარების აქტის გაფორმებიდან 10 სამუშაო დღის განმავლობაში.

7.4 შესაძლებელია სახელშეკრულებო ღირებულების 80%-მდე წინასწარი ანგარიშსწორების განხორციელება, შესაბამისი საბანკო/სადაზღვევო გარანტიის წარმოდგენის საფუძველზე, წარმოდგენიდან 10 სამუშაო დღის ვადაში. საბანკო/სადაზღვევო გარანტიის მოქმედების ვადა ერთი თვით უნდა აღემატებოდეს სამუშაოების შესრულების საბოლოო ვადას.

8. მხარეთა უფლება-მოვალეობები

8.1 „შემსყიდველი“ ვალდებულია:

8.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად ეხება შეიძლება ეხებოდეს ხელშეკრულების პირობებს.

8.2 „მიმწოდებელი“ ვალდებულია:

8.2.1. შეასრულოს სამუშაო, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

8.2.2. აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება შეიძლება ეხებოდეს ხელშეკრულების პირობებს.

8.2.3. დროულად შეასრულოს ხელშეკრულებით ნაკისრი ყველა ვალდებულება.

8.2.4. საგარანტიო ვადის განმავლობაში „მიმწოდებელი“ ვალდებულია განახორციელოს შესყიდვის ობიექტის შეკეთება ან შეცვლა „შემსყიდველი“ მხრიდან დამატებითი ხარჯების გაწევის გარეშე.

8.2.5. სამუშაოების შესრულებისას გამოყენებული მასალები და მოწყობილობები უნდა იყოს ხარისხიანი და შეესაბამებოდეს საერთაშორისო სტანდარტებს. „შემსყიდველს“ უფლება აქვს მოითხოვოს გამოყენებული მასალების და მოწყობილობების შესაბამისობის სერტიფიკატი.

8.2.6. „მიმწოდებელი“ ვალდებულია სამუშაოების მიმდინარეობის პროცესში დაიცვას უსაფრთხოების წესები, მინიმუმამდე დაიყვანოს ხმაურის დონე და მტვრის რაოდენობა, ყოველი სამუშაო დღის ბოლოს მაქსიმალურად დაასუფთაოს სამუშაოს ჩატარების ადგილი და გაიტანოს ნაგავი ეზოში გამოყოფილ ადგილზე, ხოლო სამუშაოების დასრულების შემდეგ გაათავისუფლოს სამუშაო მოედანი და მიმდებარე ტერიტორია სამშენებლო ნარჩენებისგან და მანქანა-დანადგარებისაგან. საჭიროების (შემსყიდველის მოთხოვნის) შემთხვევაში სამუშაო ტერიტორია შესაძლებლობის ფარგლებში შემოიზღუდოს მტვრიგან დამცავი ფარდებით.

8.3 „შემსყიდველი“ უფლებამოსილია:

8.3.1. მოითხოვოს „მიმწოდებლისაგან“ ხელშეკრულების ყველა პუნქტის შესრულება.

8.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

8.3.3. მიმართოს სასამართლოს ან სხვა ორგანოებს იმ შემთხვევაში თუ „მიმწოდებლის“ ქმედების გამო იგი დგება იმ ფაქტის წინაშე, რომ შეიძლება დაირღვეს სახელმწიფო ინტერესები, ამასთან მოითხოვოს ზარალის სრული და დროული ანაზღაურება.

8.4 „მიმწოდებელი“ უფლებამოსილია:

8.4.1. მოითხოვოს „შემსყიდველისაგან“ მის მიერ შესრულებული „სამუშაოს“ ღირებულების სრული ანაზღაურება.

8.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „სამუშაოს“ გაწევა ან მის წინაშე დადგა დაუძლეველი ძალა.

8.4.3. მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

8.4.4. მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია „შემსყიდველის“ მხრიდან ამ ხელშეკრულების პირობების დარღვევამ.

9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. სამშენებლო სამუშაოს განსაზღვრული ვადების დარღვევის შემთხვევაში, „მიმწოდებელი“ ყოველ ვადაგადაცილებულ დღეზე გაანგარიშებით იხდის პირგასამტეხლოს ხელშეკრულების ღირებულების 0,1%-ის ოდენობით.

9.2. ხელშეკრულების მე-7 მუხლით გათვალისწინებული ანგარიშსწორების ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო ყოველ ვადაგადაცილებულ დღეზე გაანგარიშებით, ხელშეკრულების ღირებულების 0,1%-ის ოდენობით.

9.3. ხელშეკრულების გათვალისწინებული სხვა პირობების დარღვევის შემთხვევაში, ყოველი ჩატარებული ინსპექტირებით გამოვლენილი დარღვევით იხდის პირგასამტეხლოს ხელშეკრულების ღირებულების 1%-ს ოდენობით.

9.4. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, მხარეებს უფლება აქვთ შეწყვიტონ ხელშეკრულება.

9.5. პირგასამტეხლოს თანხის გადახდა არ ათავისუფლებს მხარეებს ძირითადი ვალდებულებების შესრულებისაგან.

9.6. მხარეები ვალდებულია იღებენ უზრუნველყოფნა პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

10. ხელშეკრულებაში ცვლილებების შეტანა

10.1 ხელშეკრულებაში ცვლილებების შეტანა ხდება მხოლოდ მხარეთა მიერ წერილობითი შეთანხმებით, რომელიც წარმოადგენს ხელშეკრულების განუყოფელ ნაწილს.

10.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

10.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

10.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ხელშეკრულებაში ცვლილებათა შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების შეწყვეტა მისი პირობების შეუსრულებლობის გამო

11.1 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის შესახებ წერილობითი შეტყობინების შემდეგ:

11.1.1 თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია გაწიოს „სამუშაო“.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

11.3 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

11.3.1 თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.

11.3.2 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.3 „მიმწოდებლის“ გაკოტრების შემთხვევაში.

12. დაუძლეველი ძალის მოქმედება

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია დაუძლეველი ძალით.

12.2 ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით რომელსაც დაადასტურებს უფლებამოსილი სახელმწიფო ორგანო.

12.3 დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეუწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

12.4 დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13. სადაო საკითხების გადაწყვეტა

13.1 „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

13.2 თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.

14. გამოსაყენებელი სამართალი

14.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1 ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

16.1 ნებისმიერი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. მხარეთა პასუხისმგებლობა ხელშეკრულების პირობების დარღვევისათვის

17.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

17.2 ამასთან, მხარეები სრულად იღებენ პასუხისმგებლობას კანონმდებლობით დადგენილი წესით სრულად მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

18. ხელშეკრულების შესრულების კონტროლი

18.1 „მიმწოდებლის“ მიერ ნაკისრი ვალდებულებების შესრულებაზე „შემსყიდველი“ უფლებამოსილია განახორციელოს ხელშეკრულების შესრულების კონტროლი.

18.2 კონტროლისას გამოვლენილ ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება „მიმწოდებელს“.

19. ხელშეკრულების მოქმედების ვადა

19.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

19.2 ხელშეკრულების მოქმედების ვადა განისაზღვრება: _____.

19.3 ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

19.4 ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

20. განსაკუთრებული შენიშვნები

20.1 ხელშეკრულება დგება „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად

21. მხარეთა რეკვიზიტები

„შემსყიდველი“

„მიმწოდებელი“

სსიპ „ლ. საყვარელიძის სახ. დაავადებათა
კონტროლის და საზოგ. ჯანმრთელობის
ეროვნული ცენტრი“
მისამართი: თბილისი, კახეთის გზატკ. #99
საიდენტიფიკაციო კოდი: 211324351
სახელმწიფო ხაზინა: TRESGE22
ა/ნ: GE24NB0330100200165022
